

Үнн седкләс келсн үг

Сарпинск района, 2-ч номертә совхозин хө хәрүллгънд джил шаху Ендонов Владимир кәдлджәнә. Эн кәдлмштән Владимир ик дурта, үнн седклән өгч, хөөдән хәрүлдж-хәләнә.

Хө хәрүллгънә эв-аргъинь олдж, кәк ногъата газр хәәдж идшүлдж, хө сәәрүллгъәр заавр ах хөөч Иван Николаевич Ендонов данъгин Владимирт өгнә. Мал хәләлгънә ик дамшлтта эцкин заавриг Владимир марглго, дигтә кевәр күцәнә.

Эн хөөчирин бригадин хөөднъ гару уга, чинәнъ сәятәгъәр үвләджәнә. Эн үвл 800 нәәднр хөн хургълх бәәсмн, хургълчкснъ 760 хөн, авгдсн 816 толгъа — хургъднъ цуг әмд-менд, чанъгъ-чиирг өсдж-әцхәнә. Владимир эцктәгъан хамдан отарин өбрәс гарлго, кәдлмштән үнн седклән өгч, хөөдән хәрүлнә.

Сарпинск района Садовск селәнд баахн хөөчирин хургшидр болснд, Владимир чигн түүнә орлчач болв. Хөөдән цугтнъ гару уга бардж, хургъдинъ сәнәр өскдж, үвлас авч гарч, хөн болгънас 5,5 килограмм ноос киргъдж авнав гидж эн хург деер Владимир үгән өгв.